

## Ginger & Pucci, 3mon.



### suechet zäme äs Daheime mit Freigang

Hoi Du dört, ja Dig meinet mir, mir sehn Di

Lueget einisch, sy mir nid härzig? Mir sy d' Ginger u dr Pucci, eigentlich heisst er Vespucci, wiu er ou so ne Entdäcker isch, abr Pucci isch chürzr, geit schnäuer, wem er ihn tuet rüefe. U schnäu muess mer sy bi ihm. Mir sy itze 3 Mönnet aut u uf dr Suechi nach üsm eigne Daheime. Warum? Üses Mami hei sy nüm wöue, wo sy trächtig isch gsi, drum isch sy uf e Pflägschtäu züglet u dört sy mir uf d'Wäut choh u itze sy mir parat für's Abetür «Läbe». Drum!

Mir sy Gschwüschterti u hei üs cheibegärn, "nid ohni ds Angeri", das isch üses Motto. Mir sy fascht 3 Mönnet u wie Du siehst eis wie's angeri. Üs chasch fascht nid ungerscheide. Isch vo Vorteil, we mir öppis aaschtäue. Cha mer immr säge, ds angeri isch's gsi. Mir sy gsung u schtuberein, gimpft, chippet, entwurmt u teschtet. Mir müesst abr no im Frühjohr vorm erschte Freigang kaschtriert wärde. Vorher dörfet mir nid usse. Mir sy sähr verschmuest u natürlech verschpiut u sähr nögiirig, mir wönnt aues wüsse u uusprobiere. D' Wäut het soviu Schpannendes z' biete. Es bitzeli Erziehig tät üs ou no guet, säge sy. Aafangs sy mir abr scho no es bitzeli vorsichtig bi Frömde. Abr we mir denn füre chömmet, denn hesch gunne.

Mir liebe üs heiss u innig u wönnt unbedingt zämebliibe. Mir würde gärn zu enere liebi Familie zügeln, eine mit viu Ziit zum Schpiue u Schtriichele. Gärn ou mit ere liebi Erschtchatz, die wo d'Erziehig vo üs no es bitzeli vorahtrieb. E Hung liebr nid, abr gärn Ching, zum Schpiue u Schabernack triebe. U mir wünsche üs Freigang, ir verchehrsarme Umgäbig, durch's Törli düre, mir wönnt doch d' Wäut entdäcke u üs uustobe chönne. Siit Dir e toue Familie? Wohnt Dir verchehrsarm odr sogar richtig ländlech? Heit Dir Öich i üs verliebt? Heit Dir viu Platz u Ziit u viu schtriichelnde Händ u Luscht uf e paar Schpieu? Vielen Wunsch, gäu? Abr das wär's, denn müesst mir üs unbedingt lehrä chenne. Ah ja, mir wohnt derziit noch z'Zürich/ZH, zügeln abr gärn zu Öich, wo ou immr Dir wohnt. Mäudet Öich doch bitte ganz gly bi dr Sonja Ball. Sie het sich üs agno u suechet für üs das nöi Plätzli. Wenn chömmet Dir üs bsueche? Mir sy scho ganz hibelig!

Dini Ginger & Pucci



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch